


Nettengd Biblía fyrir börn kynnir



Góðir
konungar,
slæmir
konungar



Höfundur: Edward Hughes
Myndskreytingar: Lazarus; Alastair Paterson
Aðlagð af: Ruth Klassen
Þýðandi: Þráinn Kristjánsson
Framleiðandi: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.

Skilmálar: Þér er heimilt að afrita eða prenta þessa sögu,
en ekki selja.


1

Pótt Manesse væri
aðeins 12 ára gamall
þegar faðir hans Hiskía
konungur dó, þá varð
hann krýndur sem
konungur yfir Júda.
Hann vissi það ekki þá,
en Manesse átti eftir að
verða konungur í 55 ár.
Til þess að geta verið
góður konungur, mundi
Manesse þurfa á Guðs
hjálp að halda.



2

En Manesse gaf Guði engan gaum, og gerði það sem illt var í augum Drottins. Hann endurbyggði ölturu fyrir tilbeiðslu á falsguðum. Guð hafði sagt í gegnum Móse, "Þú skalt ekki gera þér skurðgoð. Þú skalt hvorki tilbiðja skurðgoð, né dýrka þau."




3

Manesse stundaði galdur og spákukl. Hann leiddi fólkið afvega og í burt frá Guði. Konungur lét brenna syni sína í fórnunarskyni til falsguða. Manesse gerði margt illt í augum drottins, og vakti reiði hans.




4

Vegna óhlýðni Manesse og fólks hans, sendi Drottinn hermenn Assýríukonungs gegn þeim. Manesse var þá tekinn fastur og settur í hlekki, og síðan sendur til Babýlonar.



5

Í þjáningum sínum í Babýlon, Manesse ákallaði Drottinn. Hann auðmýkti sig mjög frammi fyrir Guði feðra sinna, og bað til hans. Nú mundi hann ekki lengur tilbiðja dauða falsguði! En, mundi hinn eini lifandi Guð bænheyra hann eftir öll hans illvirki?



6

Jú! Guð heyrði bænir konungs og lét hann snúa aftur til Jerúsalem og taka við konungdómi sínum á ný. Þá vissi Manesse að Drottinn er hinn eini og sanni Guð.




7

Manesse konungur var sem nýr maður. Hann lét nú fjarlægja líkneskið og falsguðina úr húsi Drottins í Jerúsalem. Manesse lét lagfæra altari Drottins og færði honum þakkarfórnir. Síðan gaf Manesse fólkinu fyrirmæli um að þjóna Drottni, Guði Ísraels. Þvílík breyting á einum manni!



8

Eftir dauða Manesse, varð sonur hans, Amón, konungur. Hann tók up skurðgoðadýrkun og auðmýkti sig ekki fyrir Drottni eins og faðir hans hafði gert. Þegar Amón jók syndir sínar fyrir Guði, tóku hirðmennirnir konung sinn, og drápu hann. Amón ríkti aðeins í tvö ár.




9

Næsti konungur, Jósía, var aðeins átta ára gamall. Jósía ríkti í þrjátíu og eitt ár og gerði það sem rétt var í augum Drottins. Hann lét útrýma öllum falsguðum og falsdýrkunum. Hann lét brjóta öll líkneski og skurðgoð mélinu smærra.



10

Er Jósía, hinn góði konungur, og menn hans hreinsuðu og lagfærðu musteri Guðs, fann einn presturinn lögmálsbók Drottins, sem hafði verið opinberuð af Móse.



11

Þegar konungur heyrði ákvæði laganna reif hann klæði sín af hryggð. Jósía vissi hversu syndsamlegir forfeður hans höfðu verið og óhlýðnir lögum Guðs.



12

Spámaðurinn Hulda flutti Jósía skilaboð frá Guði. "Svo segir Drottinn, ég mun senda alla þá bölvun sem skráð er í bókinni á þennan stað, vegna þess að þeir hafa yfirgefið mig." En vegna auðmýktar og hlýðni Jósía gagnvart Guði, mundi þetta ekki ske fyrr en eftir hans dag.




13

Með Guðs hjálp, tókst Jósía að laða fólkið aftur til Drottins. Dag einn, í orrustu á vígvellinum með hermönnum sínum, særðist hann alvarlega. Þjónar hans tóku hann til Jerúsalem og dó hann þar. Þegar hans allir, hörmuðu Dauða Jósía og minntust hans í harmljóðum sínum.



14



Skömmu síðar leið konungsríkið undir lok. En dag einn, mun annar konungur ríkja yfir Ísrael. Nafn hans er KONUNGUR KONUNGA OG DROTTINN DROTTNA. Þegar Jesús Kristur kom í heiminn, var honum hafnað og hann krossfestur. Þegar Jesús Kristur kemur aftur, mun hann ekki aðeins verða konungur Ísraels, heldur alheimsins.

15

Góðir konungar, slæmir konungar


Sögu þessa úr heilagri ritningu, biblíunni,

er að finna í

Síðari Kroníkubók 33-36

"Þegar orð þín ljúkast upp, ljóma þau."
Sálmarnir 119:130

16



Endir

23



60

17

Þessi biblíusaga er um okkar dýrlega Guð, sem skapaði okkur, og sem vill að þú þekkir hann.

Guð veit að við höfum öll gert rangt, sem hann kallar synd. Hegning syndarinnar er dauði, en Guð elskar þig svo mikið, að hann sendi sinn eina son, Jesú, til að deyja á krossi í hegningarskini fyrir syndir þínar. Svo vaknaði Jesús aftur til lífs, og fór heim til himnaríkis. Ef þú trúir á Jesú, og biður hann að fyrirgefa þér syndir þínar, þá fyrirgefur hann þér tafarlaust, og kemur til að lifa í þér, og þú með honum til eilíftíðar.

Ef þú trúir þessu, segðu þá eftirfarandi til Guðs: Kæri Jesús, ég trúi að þú sért Guð, sem komst í líki manns til að deyja fyrir syndir mínar, og komst svo aftur til lífs. Ég bið þig að koma nú inni líf mitt og fyrirgefa mér syndir mínar, svo ég geti byrjað nýtt líf, og komið svo til að vera með þér í himnaríki. Hjálpaðu mér að hlýðnast þér, og lifa fyrir þig sem barn Guðs. Amen

Lestu biblíuna og talaðu við Guð á hverjum deg!

18